

**Tusarniaaffigineqartunut**

Færdselsstyrelsen  
Sorsigvej 35  
6760 Ribe

Telefon: 7221 8899  
E-mail: [info@fstyr.dk](mailto:info@fstyr.dk)  
Web: [www.fstyr.dk](http://www.fstyr.dk)

Sagsnr.: 2025-1000344  
25-08-2025

**Kalaallit Nunaannut angallanneq pillugu inatsit naapertorlugu sillimmasiinermit matussusiinissamik aningaasat annertussusissaannik maleruagassiineq pillugu nalunaarummut missingiut pillugu tusarniaaneq**

Færdselsstyrelsen-ip matumuuna Kalaallit Nunaannut angallanneq pillugu inatsit naapertorlugu sillimmasiinermit matussusiinissamik aningaasat annertussusissaannik maleruagassiineq pillugu nalunaarummut missingiut tusarniaassutissatut nassiuppaa.

Tusarniaanermut piffissarititaq ullormut 22. septembri 2025-mut killiligaavoq.

Kalaallit Nunaannut angallanneq pillugu inatsimmi § 49, imm. 2-mi eqqaaneqartut sillimmasiinermit matussusiinissamik aningaasat annertussusissaannik ukiumoortumik nalimmassaanissaq nalunaarummut missingiummik siunertaavoq.

**Nalimmassaaneq**

Kalaallit Nunaannut angallanneq pillugu inatsimmi § 49, stk. 1-i naapertorlugu, qamutit motor-illit ansvarforsikring-imik (akisussaanermut sillimmasiinermit) matussusersimassapput. § 49, imm. 3 malillugu inatsisitigut aalajangersagaasut sillimmasiinermit matussusiinermit aningaasat annertussusaat, ukiumoortumik nalimmassarneqartassapput. Nalimmassaaneq, ulloq 1. januar ukiup tulliani atuutilersitsiffiusumik ukiumoortumik pisassaaq.

Inummik ajoqusertoqarsimaneranut, pilersuisinnaajunnaartoqarneranut aammalu pigisanik ajoqusertoqarneranut, sillimmasiinermit matussusiinermit aningaasat annertussusaat, akigititamat nalimmassaanermut procent-i pillugu inatsit naapertorlugu, aningaasaqarnermut ukiorititamat pineqartumut tulluarsaatitut procent-i ilassutigalugu 2 pct.-inik nalimmassarneqartassaaq.

**Inuussutissarsiornermut aamma innuttaasunut aningaasaqarnikkut aamma allaffissornikkut kingunissai**

Inuussutissarsiornermut aamma innuttaasunut aningaasaqarnikkut aamma allaffissornikkut nalunaarut kinguneqassanngitsoq Færdselsstyrelsen-imit nalilerneqarpoq.

**Suliap ingerlaqqinnera**

Ulloq 1. januar 2026 nalunaarut atuutilersinneqassasoq siunnersuutigineqarpoq.

Oqaaseqaataasinnaasut, j.nr. 2025-1000344-mik ilisarnaaserlugit, styrelsen-ip mail-ianut pingaarnermut [info@fstyr.dk](mailto:info@fstyr.dk) -mut, cc-erlugu, [akfp@fstyr.dk](mailto:akfp@fstyr.dk) -mut kingusinnerpaamik ulloq 22. septembri 2025 nassiunneqassasut Færdselsstyrelsen-imit qinnutigineqarpoq.

Missingiummut apeqquteqaataasinnaasut, Ann Katrine Flugt Petersen-imut, mail-imut [akfp@fstyr.dk](mailto:akfp@fstyr.dk) -mut imaluunniit [info@fstyr.dk](mailto:info@fstyr.dk). -mut apuunneqarsinnaapput.

Tusarniaaffigineqartut allattorsimaffiannik ilanngussisoqassaaq.

Færdselsstyrelsen-ip tusarniaaneri tamanoortuupput, tamaniillu tamatumunnga soqutigisaqartunit tusarniaaneq akissuteqarfigineqarsinnaalluni. Naallu tusarniaavigineqartunut allattorsimaffimmut ilaatinneqanngikkaluarluni akissuteqartoqarsinnaavoq.

Tusarniaanermut akissutigineqartut takkussuuttut, atuutilersitsineq malillugu Tusarniaanermut Nittartakkami, tamanut saqqummiunneqarumaarput. Tusarniaanermut akissuteqarnermi, pineqartup tusarniaanermut akissutaa aammalu attavigineqarsinnaanermut paasissutissat ilanngullugit nassiunneqartut, tusarniaanerup kingorna, tamanut saqqummiunneqarsinnaanerat isumaqataaffigineqartarpoq.

Nalunaarutit atuutilersinneqarsimasut, Retsinformation-imi tamanut saqqummiunneqartarput. Færdselsstyrelsen-ip nutaarsiassaqaqtitsivia, aammattaaq maleruagassat atuutilersinneqartut pillugit paasissutissanik imaqarpoq. Nutaarsiassaqaqtitsivimmut ilanngunneq, Færdselsstyrelsen-ip Nittartagaani pisinnaavoq.

Inussiarnersumik inuulluaqqusillunga

Ann Katrine Flugt Petersen